



REPUBLIKA E KOSOVËS
REPUBLIKA KOSOVA | REPUBLIC OF KOSOVO
AGJENCIA PËR PARANDALIMIN E KORRUPSIONIT
AGENCIJA ZA SPRJEČAVANJE KORUPCIJE
THE AGENCY FOR PREVENTION OF CORRUPTION

REPUBLIKA E KOSOVËS / REPUBLIKA KOSOVA / REPUBLIC OF KOSOVO
AGJENCIA PËR PARANDALIMIN E KORRUPSIONIT
AGENCIJA ZA SPRJEČAVANJE KORUPCIJE
AGENCY FOR PREVENTION OF CORRUPTION

Dep. 06/02 Mr. Prot. 619/23
Dep. Br. Prot. Prot. No.
Nr. Faq. 04 Data 17-03-2023
Br. Str. Date
Nr. Page.

LABORANUS ETHICUM
SINE CORRUPTIONE

DATE/A:	16.03.2023
REFERENC-Ë:	AKK-DPKI-06-2074/22
PËR/ZA/TO:	Arbnore Gjinovci, Zyrtare Ligjore në Ministrinë e Financave, Punës dhe Transfereve
CC:	z. Sokol Shashivari, Anëtar i Këshillit për Raportim Financiar znj. Vlora Berisha, Anëtare e Këshillit për Raportim Financiar znj. Mejreme Krasniqi - Sadiku, Anëtare e Këshillit për Raportim Financiar
PËRMES/PREKO/THROUGH:	z. Yll Buleshkaj, Drejtor i Agjencisë për Parandalimin e Korrupsionit
NGA/OD/FROM:	Esad Ejupi, Drejtor i Departamentit për Parandalimin e Konfliktit të Interesit
TEMA/SUBJEKAT/SUBJECT:	Opinion për shqyrtimin e konfliktit të interesit

E nderuar znj Gjinovci,

Në mbështetje të nenit 21, paragrafi 1, nën paragrafi 1.5, të Ligjit nr. 06/L-011 për Parandalimin e Konfliktit të Interesit në Ushtrimin e Funksionit Publik, Agjencia në kuadër të kompetencave dhe përgjegjësiave të saj ligjore, ofron këshillim për zyrtarët të lartë të veçantë, udhëheqësve, institucioneve udhëheqëse, me kërkesën e tyre, për raste të caktuara të shfaqjes së konfliktit të interesave, përfshirë këshillime të veçanta për personat zyrtarë sipas këtij ligji pasi të jenë shteruar mjetet e brendshme në institucionet punëdhënëse dhe kur gjykohet e domosdoshme përfshirja e Agjencisë.

Agjencia për Parandalimin e Korrupsionit, fillimisht, ka pranuar kërkesë për shqyrtimin e rastit të konfliktit të interesit nga Vlora Berisha, zv. Prodekane në Fakultetin e Biznesit të Universitetit "Haxhi Zeka" në Pejë, pas kësaj është parashtruar kërkesë për shqyrtimin e konfliktit të interesit nga Këshilli i Kosovës për Raportim Financiar, përmes autoritetit përgjegjës për parandalimin e konfliktit të interesit në Ministrinë e Financave, Punës dhe Transfereve.

Agjencia, e ka hapur rastin për shqyrtimin e konfliktit të interesit, dhe i ka trajtuar zyrtarët e lartë publik, të cilët ushtrojnë funksionet në detyrë të Anëtarëve të Këshillit të Kosovës për Raportim Financiar.

Angazhimi i z. Shashivari si kryesues i grupit punues për përgatitjen e kornizës rregullative dhe raportuese në drejtim të përafrimit me standardin ndërkombëtar të raportimit financiar (SNFR) 9, nuk paraqet situatë të konfliktit të interesit.

2. Zyrtarja e lartë znj. Vlora Berisha, është emëruar si Anëtare e Këshillit të Kosovës për Raportim Financiar në pajtim me nenin 21 pika 1.2. të Ligjit nr. 06/L-032 për Kontabilitet, Raportim Financiar dhe Auditim.

Funksioni zv. Prodekane në Fakultetin e Biznesit të Universitetit “Haxhi Zeka” në Pejë dhe funksioni Anëtar i Këshillit të Kosovës për Raportim Financiar, hyjnë në kategorinë e zyrtarëve të lartë publik sipas Ligjit nr.08/L-108 për Deklarimin, Prejardhjen dhe Kontrollin e Pasurisë dhe Dhuratave.

Në nenin 3 pika 1.3 të Ligjit për parandalimin e konfliktit të interesit shprehimisht thuhet;

Zyrtar i lartë – nënkupton zyrtarët e lartë publikë të përcaktuar sipas Ligjit përkatës për deklarin, kontrollin dhe prejardhjen e pasurisë.

znj. Vlora Berisha, duke qenë zyrtare e lartë publike – Zv. Prodekan në Fakultetin e Biznesit të Universitetit “Haxhi” Zeka në Pejë, mund të ushtroj edhe funksionin Anëtare e Këshillit të Kosovës për Raportim Financiar, me kufizimin e përcaktuar në nenin 13 paragrafi 2 të Ligjit për Parandalimin e Konfliktit të interesit, në të cilin shprehimisht thuhet;

2. Zyrtari i lartë nuk mund të jetë anëtar i më shumë se një organi drejtues të ndërmarrjes në pronësi publike, shoqërisë aksionare me pronë publike si dhe organeve të institucioneve të tjera publike, përveç nëse parashihet ndryshe shprehimisht me ligj. Zyrtari i lartë, në cilësinë e anëtarit të organeve të përmendura në këtë paragraf, nuk ka të drejtë shpërblimi me pagesë, përveç të drejtës në kompensimin e shpenzimeve të udhëtimit dhe shpenzimeve të tjera të lidhura me të.

Sipas kësaj Dispozite ligjore, zyrtarja e lartë znj. Berisha, për ushtrimin e funksionit Anëtare e Këshillit të Kosovës për Raportim Financiar, nuk ka të drejtë shpërblimi me pagesë, përveç shpenzimeve të udhëtimit, dhe shpenzimeve të tjera të lidhura me të.

Shpenzimet e udhëtimit duhet të llogariten nga institucioni në pajtim me koston e shpenzimeve të krijuara gjatë kryerjes së këtij funksioni.

3. Mejreme Krasniqi – Sadiku, është emëruar Anëtare e KKRF -së si përfaqësuese nga Shoqata profesionale e kontabilitetit (SIKÇKA, IKAF, IAAB).

Instituti për Kontabilitet, Auditim dhe Financa është organizatë joqeveritare e themeluar sipas Ligjit nr.03/L-136 për Lirinë e asociimit në organizatat joqeveritare. Duke u bazuar në statutin e Institutit për Kontabilitet, Auditim dhe Financa, Organet e organizatës joqeveritare janë të përcaktuara si në vijim; Asambleja e Gjenerale, Bordi i Drejtorëve, Drejtori Ekzekutiv apo Kryeshëfi Ekzekutiv i IKAF si dhe Arkatari.

Agjencia për Parandalimin e Korrupsionit, lidhur me këtë rast ka kërkuar dhe pranuar dokumentacionin relevant nga Ministria e punëve të brendshme dhe Administratës Publike.

Përfaqësues i Autorizuar - drejtor i Institutit për Kontabilitet, Auditim dhe Financa është B.K.

Pas shqyrtimit të dokumentacionit lidhur me Institutin për Kontabilitet, Auditim dhe Financa, është konstatuar se ushtrimi i funksionit Anëtare e Këshillit për Raportim Financiar dhe njëkohësisht Udhëheqëse e Departamentit për shërbime të Përgjithshme në IKAF, nuk është në kundërshtim me Ligjin për parandalimin e konfliktit të interesit.

4. Zyrtari i lartë, Sadik Berisha, është trajtuar për situatë të konfliktit të interesit, në ushtrimin e funksionit publik. Rasti është mbyllur me shmangie të konfliktit të interesit për shkak se zyrtari i lartë ka dhënë dorëheqje nga ushtrimi i funksionit Anëtar i Këshillit të Kosovës për Raportim Financiar. Agjencia, do të bashkangjet kësaj shkresë, vendimin e nxjerrë për z. Sadik Berisha.

Agjencia për Parandalimin e Korrupsionit, ju falënderon për bashkëpunimin.

